

**CPR-imut inatsisip allannguutaanut Kunngip peqqussutaata Kalaallit Nunaannut
atuutitinneqarnissaanik peqqusut pillugu Naalakkersuisut oqaaseqaateqarnissaat
pillugu Inatsisartut aalajangiiffigisassaattut siunnersuut**
(Aningaasaqarnermut Aatsitassanullu Naalakkersuisoq)

Saqqummiussamut oqaaseqaat
(Aningaasaqarnermut Aatsitassanullu Naalakkersuisoq)

Siullermeerneqarnera

Cpr-imut inatsit Folketingip 2015-imi upernaakkut ataatsimiinnerani allanngortinneqarpoq, inatsisikkut nr. 545-kkut 29. aprili 2015-imeersukkut.

Ataqinassusiiagaanermi inooqatigiittullunniit akerleriissuteqarnermi § 28 naapertorlugu nalinginnaasumik aqgit najukkallu paasissutissiissutigineqannginnissaasa illersugaanerat naammangitsoq paasineqarpoq. § 28-p taamaallaat aternik najukkallu paasissutissartaanik inunnut ingerlatitseqqittoqannginnissaa killilerpaa. Ateq najugarlu pillugit paasissutissat illersugaasut pisortatigoortumik CPR-inik takunnissinnaasunit tamanit takuneqarsinnaapput. Najugaq pillugu paasissutissanik illersugaasunik tunniussineq assigiinngitsorpassuartigit pisinnaavoq. Najugaq pillugu paasissutissaq suliamut suliarineqartumut tunngatillugu tunniuttoorneqarsinnaavoq, imaluunniit najugaq pillugu paasissutissaq qarasaasiatigit paasissutissaatinit tunniuttoorneqarsinnaalluni.

Inuup najugaata paasissutissartaasa immikkut illersorneqarnissaat politiinit aalajangerneqartarpoq. Politiit aalajangiinerat politiit sulinerminnut atatillugu naliliinerannit aallaaveqartarpoq. Eqqugaasup siorasaarneqarnerata annertussusaa aallaavigineqarluni. Naliliinermi ilanngunneqassaaq eqqugaasup piffissami tassani najukkani pillugu paasissutissat, aammalu politiit illersuinissaminut periarfissaat allat ilanngullugit isertuussisinnaassuseqarlunilu isertuussinissaminut periarfissaqarnersoq.

Inuit siorasaarneqartut pitsaanerusumik illersorneqarnissaat kisiat siunertaralugu siunnersuut manna siunnersuutigineqarpoq.

Meeraq najukkap paasissutissartaanik illersugaasumi angajoqqaamini najugaqartoq, imaluunniit najugaqalersoq taassuma nalunaarsorneqarfia malissavaa.

Aalajangiiffigisassatut siunnersuuteqarnikkut Naalakkersuisut kissaatigaat danskit naalakkersuisuisa innuttaasut siooranartorsiorlutik immikkut inissisimasut illersorneqarnissaat pillugu nuna tamakkerlugu periusissialiornerat tapersersorniartarlugu. Pisumi tamatumani pissutigalugu inuttut ataqinassusiaagaanissamik inooqatigiinnermullunniit tunngatillugu akerleriissuteqarnermi siorasaarneqarneqartarmata.

Kalaallit Nunaanni politiit 2014-imi ukiumoortumik naatsorsuusuaasa aallarniutaani nalunaarutigineqarpoq danmarkimut sanilliullugu sisamariaat sinnerlugu nakuusersimanerit

suliassanngortinneqartut, aamma 13-eriaat sinnerlugu kinguaassiuutitigut kannguttaatsuliornerit suliassanngortinneqartut.

Pineqartumi sukumiisumik pitsaaliuinnermik suliaqartoqarnissaa suli pisariaqartinneqarpoq. Suliassaq ataatsimoorullugu isumaginninnermik sulialinnit, atuarfinit, peqqinnissaqarfimmit, piomassutsiminnik suliniaqatigiiffinit, pinerlutsaaliuinnermut siunnersuisoqatigiinnit PiSiumit aamma Kalaallit Nunaanni politiinit suleqatigiissutigineqartussa.

Taamaalillunga aalajangiiffigisassatut siunnersuut Inatsisartunut kajumissuseqarluartunut suliassanngorlugu tunniuppara.